



## 曾經，還細（南四縣腔）

阿能牯矮頓个圓身後背揸等一隻竹片編織个箕公仔，左手分厥公牽起。

厥公後背揸著一副魚網，兩子阿公企佇路脣，等無車仔來時好行過省公路。

省公路再過去有一條河壩仔，就係佢等愛去撒魚仔个所在。

厥公將近百八个身高，牽起阿能牯个手時，阿能牯就像係半吊起來。

遠遠駛來一臺巴士，還言到面前，路上已經塵灰飛滿天。金錫錫个車仔，分臨暗个日頭照到車身變金黃色。

「係金馬號呢，阿公你看佢係金馬號！」阿能牯暢到緊跳，毋管佢沙土滿天。

這種車仔，車身上有一坵中國大陸个地圖，圖頂上有一隻馬仔愛躍上去地樣仔。當時這種車仔係少有个快車，淨有去大都市个人正會坐。

佢過年時看厥叔賺錢歸來，又聽佢等講起坐金馬號去臺北个事情。

佢擎頭看厥公：「僱下二擺大也，乜愛坐金馬號去臺北賺大錢。等僱賺大錢，你就毋使恁辛苦撒魚仔也。」

兩子阿公行到河壩脣，厥公將阿能牯同地在肩頭上，好行過河壩。這條河壩仔，水乜好深，阿能牯坐地在厥公个肩頭上，行過河壩个時節，厥心肚還係驚驚。

厥公將魚網撿撿地，恬恬地行到河壩脣，全身用力將魚網撒到半空中。

網仔打開變成圓个，嘍！跌到水肚。

阿能牯趕厥公言將魚網擱起來，佢蹉等恬恬行到水邊等。

「這鮑哥仔同水底扁愛捏肚，正毋會末忒。其它種个細尾个魚仔，愛放歸水肚，下二擺正會有大尾魚仔好扭。魚仔拈秋忒，你就來僱這，僱會將魚仔一堆一堆放好。愛記得，毋好去搞水。」厥公講忒就順等河壩脣撒魚仔，一直到月光高過菁仔樹，兩子阿公正歸屋下食夜。

厥公因為厥婆食齋个原因，逐餐就兩老仔在外食，並無同佢等共桌食飯。

食夜个時節。

阿能牯扒等飯，餓壞忒个形仔。

「猴牯，你這擺考試考到仰般？有分先生請食竹修仔無？」阿能牯厥爸一雙筷仔指等佢，嘴肚還嚙等飯問佢。

「哦！」阿能牯無恸到厥爸會問起考試：「僱等一下正拿考試紙分你看。」

這擺个考試，阿能牯對自家个表現十分滿意。

「阿爸！阿公今晡日分僱五個銀啲！」阿能牯面上帶等笑容。

厥公接等講：「係啊！這隻山狗仔同佢講厥國語這擺考到滿分一百，佢一歡喜就獎賞佢，分佢五個銀買糖仔食。」

「有影無？猴牯！你考一百分？」厥爸無麼个愛信佢个樣仔。

阿能牯無愛搭厥爸，就緊食等飯。佢恹，講麼个呢？等一下佢係拿出考試紙分你看，事情毋係就知也。

考試前幾日个下晝，阿能牯厥公在豬欄洗厥屋下个豬嫲。

這隻豬嫲係佢屋下个重要經濟來源之一。平常係豬嫲養出豬胚仔，闔忒豬嚇仔後就賣分畜豬仔个人。

在草地仔生活，畜豬嫲降豬胚仔係輒常个副業。豬嚇仔也係生活中重要个營養食品。

「阿公，分佢錢好無？佢想愛買糖仔食。」阿能牯求厥公講。

厥公目珠看都無看佢：「佢哪有錢。」

「五角銀就好啦，阿公～」

厥公無搭佢：「等你考一百分佢就分你五個銀」

「你講个約，等佢考一百分你就愛分佢五個銀。」正講忒，阿能牯就騎腳踏車出去。

厥公本本洗等豬欄：「這隻山狗仔，動啊著就討錢買食，半些都毋會恹愛搵手做兜事情。」

阿能牯討無錢，騎等腳踏車去尋厥共莊个同學奈。

「大籬牯，愛去搵魚仔無？」阿能牯講等話就將手窿入去厥褲袋肚，搜出紙炮講：「佢這有紙炮仔，佢等來做一粒水中炸彈來搵魚仔，無一定可以搵到幾尾來嚟。」

「該佢來去拿電池仔。」

大籬牯同阿能牯係同年，兩儕人讀共學校但係無共班。兩儕人從細係有閒，就共下奈，搵古搵怪。尤其係去伯公廟埋下拈紙炮仔搞係佢兩儕人最好搞个空頭。

這日下晝，阿能牯又愛湊大籬牯去搞紙炮仔，又搭愛去搵魚仔。大籬牯帶幾粒用過也个貳號揚葉仔牌个電池仔，佢還帶也一些電線同蠟燭。

兩儕人就拈也阿光叔稗草棚个後背，將把家啦伙事就拿出來。

旨知得，阿能牯正拿一支梓來火想愛來點著蠟燭，還旨梓著火，就分阿光叔姆看著：「這兩隻孤盲猴哇！在吾稗草棚脣搞火，係還著火同吾稗棚燒忒，看啊你兩儕會分人剝皮撐薯糠無？」

阿光叔姆个話就旨講忒，阿能牯佢兩儕拿啊著東西，走到腳都無搭地。

「阿姆哀啲！還惡喔！佢等就毋係會放火燒厥稗棚哩！」大籬牯走到氣猛猛也！

「係無佢等走來去火車過圳溝个小涵仔該位搞，該位較少人會去。」阿能牯毋死心个講。

佢兩儕將電池仔敲開來後，將電池仔肚个東西挖出來，又將紙炮仔个火藥塞入去電池肚，搭用電線接地在裡背透出來，等透電个時節電線來短路，就可以將火藥點著來做炸彈。佢等愛將這炸彈放也在水肚搵魚仔，尾下在空口上用蠟燭封起來。

「做好也！毋過愛透電正可以點著火藥，這炸彈正會炸開。又無帶著蓄電池(bad<sup>5</sup> de<sup>55</sup> li<sup>31</sup>)，愛仰般搵魚仔好？」阿能牯拿等炸彈講。

「該無，你等一下，佢來去吾屋下个田坵寮仔上拿吾公邏田个蓄電池(bad<sup>5</sup> de<sup>55</sup> li<sup>31</sup>)來用。」大籬牯講忒就黏時走去厥屋下个田坵仔。

阿能牯一個人佇涵仔該位个圳溝肚壘等石頭，佢同圳溝堵起來，伸著兩個手巴掌大个口。

等到大籬牯歸來，阿能牯早就將水堵好也！

「佢先將炸彈放下去水底，你去底下該位將魚仔逐到佢結个池仔肚。等到魚仔洩入來，佢就會透電，應該炸彈會炸開，恁哋就搵得到魚仔。」阿能牯使等大箍牯，又將炸彈定定放哋水底。

「好哋無？」大箍牯在圳溝上大聲問：「佢愛逐魚仔啲！」

「趕快逐，佢已經放好炸彈哋！」

大箍牯聽著，就磬身在水肚，手腳同時攞水，緊攞就緊行向小水池仔。

佢等到佢行到細水池，就聽著「啱落」一聲。跔等就看到細水池个水緊冒泡。

「炸開來哋！搵得哦！」阿能牯暢到緊焱。

「趕遽下來拈魚仔！魚仔愛漂走哋！」大箍牯人還企哋圳溝頂，大聲喊等緊焱个阿能牯。

這下兩儕人有好無閒哋！

這條圳溝講大無大，愛嫌佢細條又也有浸死過人。這下兩儕人看著水上漂个魚仔，哪冇管佢恁多，就煞猛拈个拈。

拈啊拈哋。

「你兩儕人在該位搵麼个呀？會浸死啲，莫較遽上來。」大箍牯厥姆企哋在涵仔頂上喊。

「好啦！」大箍牯驚死厥姆會打佢，黏時應等。轉頭就同阿能牯講：「莫搵咧！來歸好哋！係無，等一下吾姆譴哋！佢歸去會食竹修仔。」

佢兩儕將拈著个魚仔又揸忒歸去圳溝肚，毋敢帶歸去屋下。

「這蓄電池(bad<sup>5</sup> de<sup>55</sup> li<sup>31</sup>)同佢搵手拿來去吾屋下个工寮，毋好分吾屋下人知佢等拿蓄電池(bad<sup>5</sup> de<sup>55</sup> li<sup>31</sup>)來搞，搞紙炮仔个事情一定毋好分吾屋下人知，係無佢就死定哋。」大箍牯緊張哋要求阿能牯。

「毋會啦！講出去無一定佢也會分人修理。佢無恁惹哦！」

阿能牯同大箍牯仔兩儕人不時就會去伯公廟埋下拈人打忒个紙炮仔。有時節，有兜哋紙炮仔無打忒，就變成佢兩儕人最好搞个火藥來源。

這一日，佢兩儕人就恁哋搞紙炮仔。搵到一身無閒，結果魚仔毋敢拈歸去。對阿能牯來講，魚仔愛同厥公共下去撒到哋拿歸去正毋會分人修理。

厥爸問佢考試个事情這日仔食夜邊，阿能牯拿等一袋番樣乾食到嘴嘴紅丟丟哋。

「你哪來个糖仔食」厥爸目珠懷疑哋看等哋問。

「無啦！」阿能牯驚厥爸再問，趕遽瀉走。

這日仔食等飯，厥爸好恬恬哋問起考試个事情。好得佢早就準備好哋。

食飽飯，佢走入房間拿考試紙分厥爸看。

「山狗仔，佢正無愛信啊，你有可能考一百分？你係考一百分，佢正種舂斗去伯公下分你看。」厥爸心肚惱。

這隻猴牯從來就好搞毋好讀書，連自家个作業都寫毋忒，每日去學校都分先生打。

厥爸緊惱緊無定着。

「啊！」阿能牯伸手將考試紙拿分厥爸，看就無看厥爸講：「你自家正定定仔看。」

正講啊忒，阿能牯就企哋在電視前，煞猛哋用手撐電視臺。

該下仔个電視，一概都係用手來轉臺。話續講來該時節也無麼个電視臺好看，淨有臺視、中視同華現緊止哋。

第二日个暗晡。

「你食飽咗無？」夜飯食到一半，阿能牯厥爸看等佢問。

阿能牯聽著厥爸問，吞咗一口。目珠懷疑咗看厥爸：「食飽咗，做麼个？」

厥爸對飯桌下拿出一支竹修仔同一張考試紙。

該張考試紙正係前一日个暗晡阿能牯拿分厥爸看个。

「手伸出來。」

“咻”阿能牯正伸出手，厥爸手上个竹修仔就拌咗下。

阿能牯个手痛到厥面黏時碰紅。

「佢再問你一擺，這張考試紙係若咩？」厥爸譴起來个形仔實在得人驚。

「毋係。」阿能牯用手掙流等目汁个目珠。

「毋係若考試紙，做麼个頂上會改過若名仔？」厥爸指等寫名仔所在，問佢。

「佢……佢同阿公討錢，佢毋分佢，佢講佢係考有一百分，佢就會分佢五個銀。」阿能牯頭磬磬仔毋敢看厥爸。

厥爸聽著係為了錢：「該這係麼人个？」

「係大籬牯个，佢同佢借來个。」

「你同佢跪咗這。」厥爸擲等佢到阿公婆个廳下。

阿能牯跪咗在神桌邊，面對等廳下个土地龍神。

厥爸企咗在佢後背：「你同阿公討錢，討毋著，你就用掙爺騙哀个方式來騙若公个錢。麼人教你恁會？」

「阿爸從細無讀著書，毋識半隻字。」厥爸故一下大氣：「佢等屋下也無麼个財產，若姆每日上夜班，臨天光正下班。歸到屋下又還愛煮朝分你食、帶飯包。佢恁清苦賺錢畜著你來騙爺哀。」

厥爸頓咗一下：「阿爸每日載豆油去山上，拜託人同佢買豆油。佢等恁清苦在該咗賺錢，就想分你好好咗讀書，下二擺大咗，正毋會像阿爸阿姆恁清苦賺錢。」

厥爸譴到將褲頭上个皮帶解下來，盡命牯个攀了幾下。

黏時，在阿能牯个腳上就多出幾條个浪。

厥爸又用手搥咗一下阿能牯个頭，講：「結果你這隻山狗仔續用這種掙爺騙哀个方式來騙錢，下二擺你仰結煞就好。你好好啊恁看呢！」

阿能牯跪咗在神桌邊，佢心肚恸，自家本來盡壁，仰般會分阿爸發現這件事。佢拈起厥爸豁咗在地泥上个考試紙，佢目珠緊緊看等考試紙上，哪跡位出問題。

佢看呢看，佢正看著原來佢自家在名仔上改過來个時節，無同大籬牯个名仔掙淨，還有印頭在該咗。佢緊恸，好得無再騙厥爸死認講係自家个。係無，穩再分厥爸修理咗！

事情係在前幾日拜三个下晝，佢同大籬牯兩儕人又在鍾屋伙房个禾埕搞「me<sup>11</sup> dag<sup>5</sup> ji<sup>31</sup>」。

大籬牯厥叔走出來，大聲喝佢：「你好歸咗！毋好在這搞，吵死人。你係毋讀書，也毋好尋吾屋下个大籬牯奈，佢天光日愛考試咗！你好走咧！」

阿能牯聽著人逐佢走，佢頭磬磬咗一個人在莊仔上行上行下，一時恸毋起來愛野去哪奈較好。

下後佢一個人走去厥屋下後背个田坵釣蚬仔，佢哪有恸到天光早晨學校仔就愛考試咗，愛趕遽來讀書呢！

第二日个考試，阿能牯考到糊塗麻膏！

「這下係準備愛食竹修仔地！佢正考到个國語五十分、數學四十八分。」阿能牯看著先生發个考試紙，心肚恸，歸去屋下个時節愛仰般來同厥爸厥姆來交待較好。

其實佢在先生發考試紙个時節，早就食地先生幾下个竹修仔！厥手巴掌上分先生打个印頭就還在。

佢心肚地恸起厥公答應佢个五個銀飛走地：「唉，仰般，這考試恁難搵呢？」佢心肚緊恸。

放學歸去屋下个路上，佢共樣同大籬牯共下行路歸。

「大籬仔，這擺个考試你考到仰般？」阿能牯無恬無知問。

「啊……」大籬牯分阿能牯問起，一時毋知愛仰般來回答。

「就若國語同數學考到樣地？」

「佢……兩科都一百分啦！」大籬牯壞勢口氣回答。

「啊……兩科都一百分喔！恁強呢！」阿能牯緊恸，人講大籬人較慧，哪有影啊！這下厥身邊這隻大籬仔就毋係慧慧个人。

阿能牯聽到大籬仔个成績恁好，一路上恬恬毋講話。

等兩儕人行到莊頭个大榕樹，阿能牯又同大籬仔講：「大籬仔，若考試紙可以借佢拿歸去無？」

「你愛做麼个？」

「佢想愛來看啊若答案，好來檢討自家个考試仰般會考到恁地个分數啦！」阿能牯忽然問恸著這個步數，面上帶等一細些个笑容。

佢拿著大籬牯个考試紙，歸到屋下就一個人拚地在房間肚。

佢將大籬牯个考試紙頂上个名仔用梓仔梓忒，改過厥名仔。

佢恸恁呢一來，厥分數就黏時變地一百分地！佢就可以同厥公討錢買食地。

佢緊恸緊暢，拿等改好个考試紙愛去尋厥公。

正行地出屋仔，厥公堵好歸來。

「阿公，你上擺講，佢係考試一百分，你愛分佢五個銀，你還記得無？」阿能牯面笑笑地同厥公講。

「佢還記得，等你係考一百分，正來講。」

「該，你錢拿來呀！」阿能牯得意地講，並將考試紙拿分厥公看：「啊！佢个考試紙在這，一百分堵堵好。」

「錢拿來～錢拿來～」阿能牯緊講緊暢，又講又焱。

厥公看到考試紙上有厥名仔，分數又寫等一百分就無多問。拿地五個銀分佢，心肚仔也暢自家个孫仔可以考一百分。

旨知得，阿能牯考一百分這件事情根本就係假地。好得厥爸目珠較利，看著改名仔个印頭，正來分事情爆出。

阿能牯分厥爸修理過後，跪等恸地盡久。

佢想起厥姆閒成時係無去上班个日仔，會買好食个東西分佢打鬥四；佢又恸起厥姆係傷心个時節，目珠流等个樣仔。

佢一下地恸起大籬牯厥叔逐佢个情形，佢恸啊！做人仰般愛做到別儕人都不歡迎？

自家屋下苦，係毋係愛像阿爸講个，煞猛來讀書正做得？

該日仔半夜，佢偷偷一個人跣床看書。佢發現，書上个字隻隻佢都識。

對該日仔過後，佢輒常一個人讀書讀到半夜。有時節，興頭來也！還會讀到臨天光厥姆愛下班歸來个時節正去睡。

佢毋敢分厥爸佢等知佢讀到半夜个事，佢想愛來好好哋考一擺試分厥爺哀歡喜。定定仔，厥成績有起色也！

毋過，阿能牯對該擺用騙个，分厥爸修理過後，佢也毋敢同厥爸佢等講起成績个事情。幾隻月後个春天，一個新學期又開始，三月哋个日仔。

幾日前阿能牯就同厥姆講學校仔愛舉辦遠足，大家人愛行去隔壁个學校參觀。

厥姆準備哋兩粒粽子同柑仔分佢做當晝食，臨愛去學校前厥姆塞兩個銀分佢做所費。該當日大家人暢到透夜無麼个睡。

該間大家人愛去个學校，聽先生講係在隔壁鄉，對學校行到該位仔大約有六公里恁遠。

「六公里……」阿能牯頭一擺聽先生講个時節佢根本就無麼个了解。

對佢來講，無去過个所在就好搞。

這日恁早，大家人到學校後，旨出發。

「六公里有已遠你知無？阿能牯。」大箍牯緊張哋無頭神。

阿能牯恹哋一下：「六公里差毋多學校个運動坪愛走十五圈。」

「嘎～」大箍牯驚哋一下：「有影無？」

「毋使愁啦！佢會跔等你啦。」阿能牯緊講緊拍厥肩頭：「毋過，若糖仔愛分兜偈食。」

阿能牯毋知哪來个靈感，恹著用運動坪个長度來算。

大箍牯聽著愛行十五圈，佢就懶腳毋想去。

毋過，講遠無遠，半晝大家人就行到目的个學校。

兩片个校長、先生講忒話，大家人就自由活動。

大箍牯早就行到軟頭扁褶，全身無力。

佢兩儕只好坐哋在學校个榕樹下。

「偈盡肚飢，偈等來食東西好哋。」大箍牯緊講緊拿出厥姆準備分佢个點心。

其實厥个點心同阿能牯个係共樣哋。

佢兩儕歇共莊，莊仔上單淨一間賣瓶仔个店仔。

這間瓶擔仔个頭家聽著學校愛遠足，佢早就同大家人問過愛買粽子無？

帶粽子做當晝飯，又便利，食忒也毋使帶空飯包歸來，已多年來大家人到遠足个時節大體都係帶粽子。

兩儕人將點心做一下食忒。佢兩儕又走去學校个福利社買糖仔食，阿能牯又還擘籤仔擘著一粒『ko<sup>55</sup> ma<sup>31</sup>』。

佢等又同這間學校个細人仔搞「me<sup>11</sup> dag<sup>5</sup> ji<sup>31</sup>」，搞到先生同大家集合愛歸學校。

阿能牯十分合意這擺个活動，又食多、又擘到『ko<sup>55</sup> ma<sup>31</sup>』，厥褲袋仔又搭袋滿「me<sup>11</sup> dag<sup>5</sup> ji<sup>31</sup>」。

一路上阿能牯暢到行路像飛哋。

遠足歸來該暗晡，食夜个時節。阿能牯一個人坐哋在藤椅上。

「仰毋來食飯？」厥爸恹起今晡日阿能牯去遠足：「你在遠足時食忒飽咩？」

「無啦！」阿能牯分厥爸問哋，佢就企起來愛行去睡目間：「偈想去睡目。」

「一定係食忒飽。」厥爸無愛搭佢。

半夜个時節，阿能牯在眠床上揸等肚屎貶上貶下、唉唉啲啲。

厥爸分佢吵醒，看到佢貶上貶下，問佢：「你仰毋睡目？」

「佢……佢……佢个肚屎盡痛。」阿能牯揸等咁講。

厥爸聽著肚屎痛，趕遽就摸厥盲腸該咁：「係這痛咩？」

厥爸會黏時問係盲腸咩？係因為佢自家還細个時節，厥哥就係盲腸痛死忒个。

佢聽到阿能牯講痛个所在毋係盲腸，心肚仔就放心。

「可能係你今晡日出去遠足食忒多東西，又行恁遠，胃在該咁痛。」厥爸拿胃散分佢：「食一些胃散下去，到天光就毋會痛。」

阿能牯食過後，乜共樣痛，一直到天光。

「山狗仔，還會痛無？」厥姆下班歸來聽到厥爸講，心肚仔毋盼得伸手愛摸厥額頭：「猴牯，仰恁燒啊？」

厥姆摸到阿能牯發燒，趕遽喊厥爸。

兩公婆帶阿能牯去隔壁莊个診所分先生看。

「你仰咁啊？」診所个老先生問，阿能牯盲應話前，老先生伸手同厥衫擲起來愛聽心跳：「唉啲！若肚屎仰恁腫？」

老先生盲前聽，看到厥肚屎腫到凸出來，趕快喚佢眠等。

但在阿能牯个肚屎腫起來个所在，用手指琢咁兩下：「這痛呵？」

阿能牯領等頭：「嗯！」

老先生同厥爸厥姆講：「這病你等先帶佢去鎮上个檢驗所檢查，喚佢黏時就分你等檢驗个報告。佢看可能係肝有問題。」

厥爸厥姆聽到係肝出問題，黏時就轉到鎮上个檢驗所。

無異久，檢驗報告出來，佢兩公婆又再轉去診所問先生。

「壞蹄咧！係肝出問題。」診所个老先生看到報告後，緊搖頭講。

阿能牯厥爺哀看著老先生搖頭，心肚恁事情可能十分嚴重：「先生啊！拜託啦！佢兩公婆就淨降這隻俵仔，拜託你一定愛來救佢。」厥爸同厥姆兩儕人面上掛等愁容，毋知仰般較好。

「恁呢啦！佢先同佢注一支吊射，等射注忒，你等正帶佢去鎮上个王內科看，佢雖然係看內科，但係佢對這肝个病乜盡會。你等可以去試看啊。」老先生講忒，又再交待：「眼下看起來，毋好分佢再操勞。先同學校个先生請假，歸去屋下休息，食个方面乜愛注意，毋好食忒油。」

阿能牯目珠貶等，佢毋知係毋敢看厥爺哀，還係真咁睡忒去，厥目珠在診所一直無打開。等到吊射注忒，厥爸喊佢，佢正蹠起來。

「先生，佢等先歸，承蒙你。」厥姆緊同老先生領頭。

「係毋知愛食麼个，可以多蒸蜆仔分佢食。食蜆仔對肝个保養乜有效果。」臨走以前，老先生交待等。

歸屋下个路上，兩公婆緊恁愛去鎮上个王內科無。

「係無去，這隻猴牯就穩死忒。係佢死咁，佢等个願望就共樣無忒。佢帶佢去分王內科看。」厥姆不放心个講。

「佢乜知愛去分先生看，但勢你恁看哪，頭到在診所，佢淨吊一支射，就愛五百銀，佢等哪來恁多錢分佢看病？」厥爸愁等錢个问题。

「錢再賺就有，這隻猴牯係死忒，麼个就換毋轉。佢先來去同阿光嫂借，等佢領月俸个時節再還佢。」厥姆無死心地同厥爸講。

「猴牯，你是來糟踏人地咩？」厥爸摸等阿能牯个額頭。

這下佢還本本眠地在眠床上，目珠眨眨。厥爸頭拿轉啊轉，看啊屋下肚：「唉！佢就係無讀著書，想愛來好好栽培你這隻山狗仔，你仰般來搥到肝？你一定愛同佢好起來。係無，佢這生人愛來望麼个正好？」厥爸摸阿能牯个肚屎講。

第二日過去，第三日下晝。

「阿秋伯！阿秋伯！阿能牯有在屋下無？」大籬牯對外背行入屋緊喊。

「佢在間房眠等，你入去啦！」阿能牯厥爸頭那連臥就無臥起來，就喊等大籬牯入去。

「好啦！」大籬牯走一路入，佢乜無管阿能牯厥爸講麼个。

「噯！若考試紙在這」大籬牯將阿能牯个考試紙拿分佢。

這考試紙係阿能牯盲破病前學校考試个。佢等个學校考試考啊忒，就舉辦遠足个活動。該日仔佢兩儕還帶等粽仔去食，又邇奈地盡暢。告知一歸地來，這隻山狗仔就喊肚屎痛，下後正知係搥到肝。

阿能牯拿著考試紙，看到分數：「有麼个用呢？佢就會死忒个人，考這分數又無麼个用。」阿能牯十分失望个同講大籬牯講。

「毋會呀！你會好起來地！」大籬牯安慰佢：「等學校仔發獎狀个時節，佢正同你領歸來，到時節若公係有分錢分你，你愛記得分佢糖仔食正好。」

佢兩儕人在屋肚西西梭梭地一陣仔。

「麼个事情你兩儕人講恁久啊？」阿能牯厥爸行入屋肚，看到佢兩儕人在該地講一耐久，就問起。

「無啦！」阿能牯小聲仔回答。

「麼个無啊？」大籬牯毋服个應佢：「阿能牯這擺个考試，六科總共考到五百九十六分呢！全班得到第三名，麼个無啊？」

「噯～有影噯？」阿能牯厥爸毋相信，伸手就同阿能牯拿起考試紙看：「這隻山狗仔，又愛來掣爺騙哀地毋？」

厥爸還係無相信佢看到个考試紙係真个。

「麼个掣爺騙哀？這真係阿能牯考个分數啊！」大籬牯搞無清楚發生麼个事情，譴譴地同阿秋伯講。

「唉！莫講地啦！佢上擺同你借个考試紙，佢拿來改做佢个名字，同吾公騙講係佢考一百分。結果分吾爸看出來，佢還分佢修理地幾下。」阿能牯惱起該擺个事情，心肚仔還十分後悔。

「阿伯，這擺真是係佢考地啦！」大籬牯緊講，對書包肚拿出來自家个考試紙：「這正係佢考地啦！佢比佢多兩分，佢得第二名。」

「這隻山狗仔，有影你考著恁好个成績噯？」厥爸還係無愛相信个問。

阿能牯毋敢應嘴，恬恬地眠等。

佢惱地一下講：「阿爸！佢想愛去學校讀書，佢眠地人盡清苦，去學校仔較好搞。」

厥爸聽著佢愛去讀書就話佢：「你愛樣地去學校？先生喚你多休息，毋好緊動。」

「該～」阿能牯故一下氣：「佢去學校會乖乖，毋會跳上跌落啦！好無？」

阿能牯接等地講：「總無聽過人讀書讀死忒个！」



「佢又無時間可以每日載你去學校。」厥爸訥佢毋贏个同佢講。

「阿伯！係無佢載佢去學校。」大箍牯講：「毋過，你愛去同先生講，喚先生分佢騎腳踏車載佢去學校。」

「好是係好！毋過……對你會壞勢。」厥爸毋盼得个同佢兩齊講。

「毋會啦！」大箍牯講：「佢兩齊人從細就共下搞寮，這細事情佢還做咁到啦！」厥爸摸等大箍牯个頭拿：「該！就拜託你。」

大箍牯面帶笑容，看等阿秋伯，佢緊笑。

第二日朝晨，大箍牯盡早就騎腳踏車到阿能牯屋下地。

「時間差毋多咧！莫騎恁遠，路上愛看等車仔。」阿能牯厥爸毋放心地交帶等。

「阿伯！佢會注意啦！你毋使愁啦！」大箍牯盡暢佢等可以騎車仔去學校。

草地仔个學生一概就愛排隊共下行去學校讀書，大人齊也無時間載佢等去。

係毋係因為阿能牯有病經過學校同意，這兩齊人乜係愛排列。

「阿爸！佢等來去學校讀書咁啲！」阿能牯同厥爸講。

「騎車仔愛仔細。」厥爸在佢等兩齊人个肩頭輕輕拍咁一下。

「來去啊！大箍牯，出發咁！佢又可以去學校讀書咧！」阿能牯坐咁在後背，心肚咁暢到兩支腳緊踢。

佢兩齊騎等車仔，有講有笑个去學校。

「愛仔細啲！愛認真喔！」阿能牯厥爸看等佢兩齊緊來緊遠，大聲牯喊。

厥爸本本企咁在該位，看等佢等緊騎緊遠，心肚仔恁：「山狗仔，拜託來康康健健，毋好再同佢搵到麼个三長兩短个事情。」

該朝晨个日頭，照影咁在厥爸个面上，厥笑容一直就掛咁咁！

## 創作理念

還記得細人時節，屏咁在伯公廟後背搵土狗仔無？挖蟪公釣蜗仔，搞到一身都係泥个日仔，已經盡遠咁！恁起還細个時節，經過个事情一定分人永遠懷念。有兜事情曾經刻骨銘心一直記咁在心肚，到老都會記得。這兜經驗，有分人暢樂个、有分人毋盼得个、更有分人難過个。每個人都有自家个故事，這兜故事用小說來講分別齊人、下一代聽，希望可以帶分大家人有共樣个心情，共下懷念還細个時節。

## 陳志寧

屏東縣萬安國小教師

